

國子監則例



第五十冊

國子監則例卷十八目錄

典簿廳 陳設

春秋丁祭陳設

朔望陳設祭品

朔日陳設祭器

朔望行禮班次

先師誕辰陳設

新進士釋褐陳設

新進士釋褐儀注



國子監則例卷十八

典簿廳

擬存

典簿廳額設滿漢典簿各一員。設有廳印。印鑰歸滿典簿佩帶。職掌漢字奏摺。各衙門文移。

文廟陳設。進士釋褐。貢監生加照。以及鄉試驗照錄。科各事宜。均所專司。在監書吏。廟戶。殿戶。阜役。兵丁人等。悉歸約束。

國子監則例卷十八

典簿廳 陳設

現行事例

擬存

一 春秋丁祭陳設 ○ 凡

遣官釋奠。陳設祭器樂器。分胙等事。皆由廳遵照典
禮。分別辦理。

擬存
一朔望陳設祭品○凡朔日

文廟釋菜。應用香蠟酒果。望日上香。應用香蠟等項。
均先期行文太常寺。查照給發。關領。至期陳設。

擬存

一朔日陳設祭器。○凡遇朔日清晨由

神庫內點取應用祭器。敬謹洗濯備用。

先師孔子位前。設籩二。豆一。爵三。鐙二。鑪一。

四配四案。十二哲二案。兩廡四案。

崇聖祠五案。配廡四案。皆如之。望日供香燭。不設

酒果。

擬存
一朔望行禮班次○凡行釋菜上香禮於

大成殿階墀下。甬道中間鋪設棕毯。祭酒司業拜
位居前。次分獻屬官。次隨班行禮屬官。次八旗
教習。六堂肄業生。分左右列。

崇聖祠亦鋪設階墀之下行禮。

釋菜儀注詳見繩愆廳。

先師誕辰陳設○恭遇

先師孔子誕辰本監自行敬謹豫備香蠟酒果其餘
陳設等事與釋菜禮同

一
擬存

擬存
一新進士釋褐陳設○凡新進士釋褐先詣

文廟行釋菜禮。禮部知會日期到監。由廳具稿行文
戶部。移取銀十五兩。備辦花紅香蠟酒果等項。

一切陳設與朔日禮同。
繙譯進士
釋褐禮同

擬改
一新進士釋褐儀注。○凡釋褐日。諸進士於清
晨至集賢門外下馬。入持敬門。詣致齋所。贊引
導由東角門入。詣階下。通贊贊排班。班齊。贊就
位。行謁廟禮。贊跪。叩興。三跪九叩畢。通贊贊行
釋菜禮。

先師孔子位前。

四配位前。以一甲第一名主獻。東西兩廡。以一甲
第二名第三名分獻。東西兩廡。以二甲第一名
三甲第一名各分獻。其餘諸進士俱隨班行禮。

儀與月朔禮畢由西角門出詣致齋所
釋菜同

神庫前釋褐候祭酒司業朝服升堂諸進士由太
學左門入至階下序立曾入監者升露臺四拜
起立臺西未入監者露臺下兩拜祭酒司業俱
坐受禮畢一甲三名由堂東門入執事者設食
案於座前祭酒司業下座面南立一甲三名面
北立執事者簪花斟酒一甲三名向上揖飲酒
三爵出祭酒司業送至堂門內諸進士由堂西
門入本監屬官接待簪花飲酒如前儀畢送出

堂簷下

謹案舊例儀注附註釋褐陳設條下今擬改載以詳禮節



